

عبلة موسى
طلبتك أولامر

الإهداء



” إلى كل إنسان ارتقى إلى مستوى الإحساس
بالفنون، وسما في محاولة للقاء مشاعر أشخاص غيره،
وسبح في بحور القصائد “

عبلة موسى

الجميلة والوحش



شفت في قربہ جمال الدنيا
طب والله .. دا هو الدنيا
هو شتاها وهو ربيعها
لا وخريفها وكل فصلها
أيوا بحب الوحش وبعشق
نظرة عينه وبسمة ثغره
شمسي وقمري .. حياتي بحالها

حبة أمل مركون



حبة أمل مركون جوا العيون
عيون محتارة .. آخرها فين هيكون
عيون بتخون و عيون تصون
وعين حيرتها أمل مرهون

حبة أمل مركون

يمكن يوم تتلامس الأيدي
تتلاقى العيون
حبة أمل يعلن حضور
يملا قلبي زهور
يجينا يمون

أحلى كدبة



أحلى كدبة لما قلت .. ما بحبكيش
وإنك من غيري راح تقدر تعيش

همست عيونك .. ما تصدقيش
صرخت عيونك .. أنا ليكي عاشقة
إن يوم بعدتي عن مرمى بصري
يا نور حياتي ونظري

أحلى كدبة لما قلت .. ما بحبكيش
وإنك من غيري راح تقدر تعيش

لمستني إيدك
خاليكي ماسكة فما تسييبش
ساعتها دمك اللي ف وريدك نده عليا
قال لي .. ف مكانك .. ما تبرحيش

أحلى كدبة لما قلت .. ما بحبكيش
وإنك من غيري راح تقدر تعيش
قلبك نبض لي ونبضاته زادت
والشهقة زادت .. في زفيرها طالت

قالت .. هوايا هيروح معاكي
لو يوم تروحي وما ترجعيش
وعشان أكون أكثر صراحة
من غير عبيرك يا حبي انتي ..
ما أقدر أعيش
أحلى كدبة لما قلت .. ما بحبكيش
وإنك من غيري راح تقدر تعيش

يا اللي خاين



يا اللي حلمك في يوم تجيني وتقابلني
وتقول لي ..
طيفك يا ضي عيني
اللي شاغلني

يا اللي مستني أبوح لك
بشوقي وسهدي
أنت فاكـر مين اللي فارق
وطلبه بعدي!؟

يا حبيبي



اوعى تنسى إنك في قلبي
وإنك حبيبي وروحي جنبك

اوعى تنسى إنك تجيني
أنا في انتظارك بستني إنك
تسمع ندايا وبسرعة تيجي

اوعى تنسى إنك حمايا
وإني عايشة تحت ظلك

ما تحسبهاش



وما تحسبهاش
لو تحسبها ف يوم
تخسر
نص العمر بلاش

او عى تحسب
ولّا تفكر
بالطريقة دي
هتخفق نفسك أكثر وأكثر
إيه هيزيد ويجي لك أكثر
ولّا إن كنت عملت حساب
مش هيطلولك غير مكتوبك
لو هتمد أو تتأخر

وما تحسبش .. متحسبهاش

وما حسبتهاش في يوم
أبدًا ما حسبتهاش
عشت بطيبة
بكل سجية

وروحى راضية
وفي حساباتي
سايبة حياتي ع الرحمن

ما تحسبهاش
اوعى تعد ف يوم أيامك
وسنين عمرك
اوعى تحدد
إيه يكون امتى
وإن هيجي يوم
ما يصحش وهتتلام

وما تحسبهاش
عيشها بقابك
روحك .. نفسك
غمض عينك
سد في ودنك
افتح قلبك
افتح صدرك
لعبير حسك
طير في سماك
وما تحسبهاش

ما تحسبهاش
حرر كل ما فيك من إحساس

حب الحب لذاته
حب كل ما كرهك
حتى إن ضرك
إلفت خدك

سامح واغفر
اوعى تخلي أي دقيقة
تضيع منك ببلاش
حرر أفكارك
خايبك مش عادي
ما يهمكش إن قالوا اتجنن
خايبك نفسك
دي الحرية
من جواك
لازم تتعاش
وما تحسبهاش

يا اللي خان



جاي ليه بتلوم عليا
جاي تبكي ع اللي كان
عمرك ما سمعت ليا
حزنك ما كانش الأمان

ولما جيت تسأل عليا
كنت مجروح م اللي خان
كنت جاي تداوي روحك
عند ينبوع الحنان
حتى ما عرفتش تصالح
ولّا تديني الأمان
كنت عامل مش فاهمني
وأنت أصلاً اللي خان

يا اللي مش سامع وسامع
يا اللي عامل نص فاهم
مين يصدق يا حبيبي
إنك ف يوم الضحية !!
ما أنت خاين من زمان

خاصمت القصائد



قد خاصمت القصائد
واعترلت الحياة
قد رحلت بالمعاني والسحر والجمال
أين أنت وقد أخذت
كل أسباب الحياة

في غيابك يا حياتي
كل دنياي ظلام
هلا تأت لتنير باقي عمر
قد طال في عذاب يا حياتي
أضحى فرحه محال

ويح قمري لا يبال
لا يزورني ليالي
كيف تنسى عهدًا
الفراق حال محال
هلا عدت لي يومًا
أو تعيد قلب مال

توهة



وبقيت وحيدة في شارع الضباب
لا ماضي يسعد ولا أمل كذاب
قلت أشوف لي مخرج من أي باب

حاولت أنسى اللي فات والعذاب
وأشوف لي طاقة تشيل الحجاب
اللي بيني وكل أمل كان سراب

أنا عمرك وأحلامك



أحبك يا بعيد وقريب
وأنا عارفة إن قربي نصيب
أبات أسهر أنا وصورتك
وتندھني .. أقول .. أمرك
وقلبي يشكي من بعدك

قلبي وروحي دول ضدك
ويجوا يقولوا ليا كتير
أسمعهم وقلبي كسير
وألبس ثوب المعشوق
وأقول جاني ماليه الشوق
وأنا بشهد عليك الليل

من هجرك جافاني النوم
حبيب قلبي يا هاجرني
يا ريت تقول لي .. فاكـرني
وبيات بالي متھني

أنا سنيـني بستني
بكلمة شوق أتھني

وأشوفك وأنت بتلامض
يقولوا .. عنيك كلام غامض
ولمس إيديك يقول بتحب
ولا أعرف مين سكن القلب

وصوتك وهو بينادي يقول .. عاشق
وأشوف أمرك .. أتوه في دوامة
وقلبي يقول بيك حاسس
ودوامتك أتوه فيها ولا أفكر وما أعرفش !!

أحب دلالك وأحوالك
ويسكرني حنين قلبك وأشواقك
وغيرتك ليا .. قساوة بحبة حب

وأبات قلبي على قلبك
وأنا راضية بإني جوا أيامك
لا أنا عارفة أنا عايشة سنين عمري
ولّا عمرك .. وبأحلم لك .. بأحلامك !

حبك



أشوف منك مهما أشوف
وأبات ألعن في الظروف
وألّف فيكي آه وأطوف
وأصبح عليك وأنا كلي خوف
من بـكـرا
وأسأل انتي أـمـي
ولّا أشكيفي المخيف؟!!

ومهما بعتي مشتريكي
وأعشق هواكي
وبسم نيلك ازداد فتول
واتسرطن أنا بخضارك
وأحارب كل ما جارك
وأجري ألملم أنا في جراحك
ونفسي أوحد كل الطيوف

أحبك .. لا تكفيني



قال : أحبك .

قالت : تلك الكلمة لا تكفيني ليطمئن قلبي .

قال : لِمَ ؟

قالت : لقد درست الاحتمالات

وهذه الكلمة لها كلمة ضد

والكلمتان لهما مرادفات احتمالية كثيرة .

أول احتمال .. أن يتحول الحب لكره بصورة ما

وثاني احتمال .. أن الحب يزداد

والثالث .. احتمال أن تقل نسبته

والرابع .. أن تتأرجح النسب بين الزيادة والنقصان!

نظر بذهول ثم ابتسم وقال لها :

إذن ما العمل ؟!

هل تقصدين أننا شخص واحد ، لأننا نتشابه كثيراً ؟!

قالت :

أنا لا أحبك ولا أكرهك

ولا أظن أن يحدث لمشاعري أي تغير

إننا لا نشبه بعضنا البعض.

سألها : إذن لم اتفقنا على الارتباط ؟!

أجابت :

ليس لنا خيار .. لقد خُلقنا لنكون سوياً

ألا ترى أن كلانا يشعر بالآخر من مسافات بعيدة ؟!

هل تعتقد أن هناك من تفهم صمتك، نظرتك ؟!

تفكر في خطواتك القادمة .. مثلي ؟!

أجابها : بالطبع لا.

وسألها :

هل تعتقد أن هناك رجل بتحضري، وتفهمي ؟!

رجل يساندك .. مثلي ؟!

أجابت :

بالطبع .. لا !

من لحظة لقائنا وكأننا كنا معاً منذ ولادتنا

لذلك أقول لك .. إن كلمة "أحبك" .. غير كافية !

حكايتنا



سألت نفسي ..

حكايتنا .. مين فينا كان فيها الحر ؟!

كانت أيامنا .. بتضيع وتمر

ما شوفنا فيها شيء بيسر

وأخرتها .. وداع بطعم المر

رجعت سألت ..

كان حب ولا دا كان كُره ؟!

حبيب جنني



أنا بتمنى يا ربي
حبيب جنني
في كل ليلة في حلمي
بيحضرنني ويهديني
عطوره
وياسمينه وفله
وريحان أخضر

حبيب جنني
يحاكييني بكلام سكر
ينادينني .. أقول .. حاضر
وأنده له .. قوام يحضر
آدينني بقول له أهو .. حاضر
وهافضل أقولها وأعيدها
كمان وأزيدها
لمالك قلبي وروحي
وحاكم أيامي وسيدها
حبيبي الجنني

وبقول له .. أنا عارفة
وحاسة بقلبه والدقة
وسامعة كل همساته
وكمآن دايبه
وأنا أيوا ينادي
يلاقيني معاه هنا في ثانية

حبيبي الجني
قبل ما يجيني ألاقى عبيره مسافر لي
جايب ورده ورياحينه
وكمآن فله يناديني
بعبير ريحته

حكايته سكتي وديني
وأبتتل في محرابه
وأقدم له قراييني
أزين له سنيين عمري
وأيامي
وأهدي له كمآن روعي
دا هو عشقي وغرامي
حبيبي الجني

وأنور له سنيين عمره
وأملأ له أنا بايدي
شهد الحب متعطر .. بزهور أكثر

ينهـل منه ما يشبـع
ويدينـي ويمـلا لي
ولا فيا هيـستخسر
وأبات ليلي أقول تاني
ويملا لي وأقول تاني
آاه دا حلم العمر يا ربي
تبعت لي حبيب جني

طلباتك أوامر



رغم إن البعد قادر
إلا إني روعي عندك
وإنها ما تاهتش عنك
ما أنا أصلي روعي جانبك
وإنك يا حبيبي اللي هاجر
إلا إنك .. كل طلباتك أوامر

رغم إني بأموت في بعدك
كل يوم
وأحيا ثواني
عشان أموت م البعد تاني
بس طلباتك أوامر

رغم إني بعمرى شاري
وإن أنا في بعدك بأعاني
وإن أنا أفديك بروحي
يا اللي بتزود جروحي
وإنك لنفسك بس عايش
يا اللي هادم لي صروحي
إلا إنك .. كل طلباتك أوامر

أيوأ أنا في بعدي عنك
 عايش معاك .. عايش لحبك
 وأحب كل ذكرى منك
 وأما حد يجيب في سيرتك
 ألاقي نفسي بأرد غيبتك
 وإنهم عارفين حقيقتك
 بعثني واختارت بعدك
 وأما يلوموا عليا حبك
 أقول لهم .. كل طلباتك أوامر

أُكـدب عليك



أكـدب عليك لو أقول هأنساك
من غيري شافك يوم ونساك
ما أقدرش أنسى غرامي معاك
دا أنت حياتي وعمري فداك

أكـدب عليك

لو أنسى أيام فرحي وأماني
قول لي أعيش إزاي ولمين؟!
هتقدر يا حبيبي تنساني؟!
ولّا الطلب دا كان علشانني?!

أكـدب عليك

إزاي راح أنسى حبيب الروح
ساكن لي قلبي فين ما يروح
أجمل ليالي وأحلى سنين
طابك وأمرك مش مسموح

أكـدب عليك

عاوزني أنسى ذكرى هواك
والصبح أصبح وأنا مش وياك

طول بعدي وأنا روجي معاك
هأعيش سنيني على الذكرى
أكذب عليك

أكرهك



أكرهك
لأنك تعلم كم أحبك
أشتاقك
أحتاجك
أتمنى سماع صوتك
فأطلت غيابك عني
غدرت بي
ذهبت ولم تعد
لا أسامحك أبدًا